

## Meeqa ayuu joogaa booska xannaanada carruurta?

Waxaa jira qiime aan Norway kor loo dhaafi karin halkii boos ee xannaano carruur ba. Taas oo micnaheedu yahay in aysan xannaanooyinka carruuruhu waalidka ka dalbi karin wax ka badan qiimaha uu baarlammaanku sanad walba dejiyo. Lacagta cuntada ayaa qiimahaas dheeri ku ah oo aad ayadana bixinaysaa. Xannaanooyinka carruurta waa ku kala duwan yihiin qiimahaas.

Halkaan ayaad ka helaysaa qiimaha xannaanada carruurta  
[www.bergen.kommune.no/barnehageplass](http://www.bergen.kommune.no/barnehageplass).

Qoysaska uu dakhligoodu hooseeyo, waxay xaq u yeelan karaan in laga dhimo lacagta ay waalidku bixinayaan.

Halkaan ka akhriso warbixin dheeraad ah oo arrintaas ku saabsan:  
[www.bergen.kommune.no/redusert-foreldrebetaling](http://www.bergen.kommune.no/redusert-foreldrebetaling)

## Dooro xannaano carruur oo codso boos xannaano carruur

Waxaad boos xannaano carruur ka codsan kartaa bogga  
[www.bergen.kommune.no/barnehageplass](http://www.bergen.kommune.no/barnehageplass)

Abka codsiga ee dhigitaalka ah (batoonka buluugga ah) ayaad ka helaysaa xannaanooyinka u dhow meesha aad deggan tahay.

Xannaanooyinka carruuraha ee Bergen oo idil na halkaan ayaad ka helaysaa:  
[www.bergen.kommune.no/barnehager](http://www.bergen.kommune.no/barnehager)

Xannaanooyinka carruuraha ee agagaarkaaga ku yaalla waxaad ka raadin kartaa  
[www.barnehagefakta.no](http://www.barnehagefakta.no)

## Ma u baahan tahay in lagaa caawiyo sidii aad u codsan lahayd?

Xarunta adeegga dadweynaha ku soo booqo Kaigaten 4, ka soo horjeedka Byparken ama soo wac telefoonka **55 56 55 56**. Haddii aadan lahayn lambar aqoonsi oo norwiiji ah xataa waa lagaa caawinayaa codsiga.



Xarunta adeegga dadweynaha ee Kaigaten 4.



BERGEN  
KOMMUNE

# Xannaanada carruurta – billow wanaagsan

Skipnes.no Svanemerket trykksak, 2041 0731 Sawirqaade: © Trude Haugen





## XANNAANADA CARRUURTA – BILLOW WANAAGSAN

Xannaanada carruurta waa goob barbaarin oo ilaalisa baahida ay ilmuhu u qabaan daryeelka, ciyaarta iyo waxbarashada, waana tillaabada koowaad ee waxbarashada. Carruuraha Norway ku nool ee ay da'doodu dhexayso hal sano ilaa iyo lix sano badankoodu xannaano carruur ayay dhigtaan.

## XANNAANADA CARRUURTA – waa deeq waxbarasho ayada oo waalidka lala yeelanayo wadashaqayn hoose

Xannaanooyinka carruuraha oo dhan kuwa gaarka loo leeyahay iyo kuwa degmadu leedahayba waxay raacaan xeerka xannaanooyinka carruuraha. Waxaa xannaanada carruurta ka shaqeeya macallimiin xannaano carruur oo haysta ugu yaraan saddex sano oo waxbarasho machad ah. Taas oo micnaheedu yahay in ay carruurtaada hayaan dad aqoon leh oo daryeel fiican u leh, kuwaas oo aqoon badan carruurta u leh. Waxaa ilmaha lala soconayaa ayada oo uu xiriir fiican ka dhexeeyo guriga iyo xannaanada carruurta. Wixii su'aal ah ee aad qabto waad la qaadi kartaa shaqaalaha, adigoo soo jeedin kara wixii fikrado ah ee gacan ka geysan kara ka-helitaanka iyo horumarka bulsho ee ilmahaaga. Xiriirka guriga iyo xannaanada carruurta wuxuu weliba muhiim sii yahay marka ay dhaqammo kala duwan kulmaan.



## XANNAANADA CARRUURTA – goob ciyaar, waxbarasho iyo horummar

- Ilmahaaga marka uu xannaanada carruurta joogo waxaa lagu dhex daraa carruur kale. Ilmuhu waxay bartaan midba midka kale dhaqankiisa, luuqaddiisa iyo waxyaalaha uu xiiseeyo. Ilmuhu wuxuu wax bartaa asaga oo carruur kale iyo dad waaweyn la ciyaaraya oo firfircooni la sameynaya. Ilmuhu saaxiibbo ayuu yeeshaa, aqoon bulsho ayuu bartaa – intuusan dugsiga billaabin ayuuna helaa khibrad dhinac walba waxtar u leh.
- Luuqadda ilmaha ayaa lagu kobciyaa xannaanada carruurta. Ilmuhu asagoo carruurta kale la ciyaaraya ayuu fahmaa fikraddiisa, dareenkiisa iyo khibraddiisa. Sidaas ayuuna ilmuhu luuqadda ugu bartaa xannaanada carruurta.
- Ilmuhu hal mar ayuu dhawr luuqadood baran karaa. Xannaanada carruurta ayada oo waalidka kaashanaysa ayay hubin kartaa in uu ilmuhu barto afka hooyada iyo af norwiijiga labadaba – gurigana afka hooyada – xannaanada carruurtaana af norwiijigi.
- Wakhti ayay qaadataa in luuqad la barto. Cilmibaaristu waxay sheegaysaa in ay qaadatao sanad ilaa saddex sano in luuqad loo barto si fiican oo dadka lagula hadli karo. Waxbarasho rasmi ah sida akhriin iyo qoris in lagu qaataa waxay qaadan kartaa shan ilaa toddoba sano. Sidaas darteed waa muhiim in goor hore la billaabo xannaanada carruurta si af norwiiji loo barto ka hor intaan dugsiga la billaabin.

## Xannaanada carruurta – waalidka ayay fursado siisaa

- Marka ay ilmaha xannaanada carruurta kaaga hayaan shaqaale aqoon leh oo daryeel miiran ah waxay taasi adiga waalidka ah fursad kuu siinaysaa in aad shaqo billowdo ama wax barato.

